

南
城
禮
書

楊
仲
宏
集



元宏

楊集

仲

留香室

刊本

舊序

大德間余始得浦城楊君仲宏詩讀之恨不識其爲人及至

京師與余定交商論雅道則未嘗不相與挺掌說也皇慶初

仲宏與余同爲史官會時有纂述事每同舍下直已而猶相

與回翔留署或至見月月盡繼燭相與刻苦澹泊寒暑不易

者唯余一二人耳故其後余以御史府用筦南憲架閣適海

上仲宏復登乙卯進士第爲浮梁別駕余遷江西仲宏亦改

宣城理官相違十數年相距數千里迹雖如是而心固猶數

晨夕也而仲宏竟未任宣城以卒烏乎慟哉余嘗觀於風騷

以降漢魏下至六朝弊矣唐初陳子昂輩乘一時元氣之會

楊仲宏集

序

一

留香室開雕

卓然起而振之開元大歷之音田是不變至晚宋又極矣今
天下同文而治平盛大之音稱者絕少於斯際也方有望於
仲宏也天又不假之年豈非命耶蓋仲宏之天稟曠達氣象
宏朗開口論議直視千古每大衆廣席占紙命辭教睨橫放
盡意所止衆方拘拘已獨坦坦衆方矜徐已獨馳駿馬之長
坂而無留行故當時好之者雖多而知之者絕少要一代之
傑作也仲宏有子尙幼其殘藁流落未有能爲輯次者友人
杜君伯原自武夷命僕曰將就其平生所得詩刻諸山中此
誠知仲宏者而杜君猥謂罄仲宏海內之交相好又莫余若
也俾爲序之用掇其梗槩著於篇端致和元年六月一日臨

江范序

楊仲宏集

序

二

留香室開



楊仲宏集目錄

卷之一

雪軒

次方韶父遊九鎖山韻

四首

桃源圖

次景遠學士立春日韻

送淳安徐教諭之任

贈李尊師

太古雪為楊友宜賦

胡氏刺虎圖

溪山積雪圖

偕虞伯生魏雄卿魏池菴集

分韻得闕字

題溫日觀墨葡萄

題金壇宋氏自怡軒

欄松為丁師善作

劉將軍詩

古木詩

楊仲宏集

目錄

東山詩為葉子實賦

題恒齋

次仲實見寄韻

題文丞相書梅堂

塞上曲

邑中南峰陳翁義莊

偶題

夢讀退之詩頗奇詭已覺記

其大旨作此篇

雪後次鄭集之韻

次劉師魯韻

夏夜借田郎中宿張子元家

田君有詩用韻

橘中篇

次袁伯長韻

題屏風畫商山四老人

李御史之陝

遣興偶作

書懷寄杜原父 二首

黃天祥衍三天數永詩

題史仲憲重修三皇廟 贈無極進上人

贈執中允上人

靈龜篇爲陳渭叟作馬尊師

所畫芝龜也

卷之二

送凌吉叟 二首

初陽臺望月

次韶卿壬寅元日又三日聞遊人頗盛之作

寄劉師魯 二首

龍井

贈吾子行

東陽十題 十首

送屠存博 二首

渡江寄俞仲連

奉題伯父雙峰樵隱 五首

贈方韶父處士 二首

楊仲宏集

目錄

二

留香室開

和孟東野題崑山寺

送方韶父先輩遊五湖

和張仲實之吳興舟行雜詠 二首

卷之三

寄題羅氏別業 二首

江行次韻 六首

酬子行初秋風颺之作

送孫大方歸朝元宮 三首

挽饒國吳文康公詩 二首

題張氏順堂

題信州先天觀圖 四首

次引浚儀公題蘭竹卷子韻

贈程景純 二首

思菴

赤壁圖

贈昌上人 二首

送葉彥中之官行臺 二首

送胡秀才歸新安 二首

惠崇古木寒鴉

留別陳益謙

遊陳氏園偕李治中張提舉

挽艾處士 二首

顧氏義塾

挽吳道士

送林季羽入京宿衛 三首

送徐義父入京 二首

贈曇上人 二首

贈胡汲古 二首

送胡汲古之吳中

中秋

挽曹光益 二首

贈劉時中 二首

送王元禮歸平城 二首

贈張之翰 二首

送陳君佐入京 二首

宿延祥觀有感 二首

題青田葉叔至野清堂 二首

楊仲宏集

目錄

三

留香室開雕

送張宣撫使嶺南 二首

送李侍郎使安南

喜雪酬康子淵院使

送吳清叔

贈鄭尊師

黃櫨杖爲龔聖與作

次夏仲勉韻 二首

冬至次張宣撫韻 二首

送吳清叔歸婺

與方韶卿望月

孝思亭詩爲王心田作

淨香亭 二首

酬吾子行

偶作

送劉明卿歸安東

和張仲實丹行雜詠

題秋江釣月詩卷

卷之四

壽姚承旨

贈周景遠學士

壽杜尊師

次韻曹士開毗陵喜雨

春雪次陳元之韻

送張仲實之宜興

送邱子正之海鹽州教授

贈班彥功

士開燕岳氏溪堂有溪山新月上江海故人同之句邀

子及張仲實曹克明同足成之

次韻王子久喜晴二十韻呈汪知府

再用韻贈黃子久

寄王繼學二十韻

送完者都同知

贈郭集賢

悠然閣

寄周御史二十韻

楊仲宏集

目錄

四

留香室閒錄

送董璽可爲句容縣主簿

送朱復之爲邵武教授

趙彥祥母慶八十

雲山圖爲茅山劉宗師作

題康里氏家譜

題王叅政積翁別故人詩卷

後

贈魏虛舟少府

贈劉平叔郎中

送邱子正之海鹽

贈虞彥高

鄭中丞母太夫人壽八十

送朱仲山歲貢入京

招真觀圖

喜晴得揚字呈汪知府

寄沈少微金華山隱居

挽徐處士

送侯尊師歸蜀

春晚喜晴

卷之五

次韻虞彥高遊陽明洞 送俞用中之蓮城

古牆行 題山石猿鳥圖

李伯時畫浴馬圖 送時中兄入京

次韻題慈照寺浪紋石 題王起宗畫松巖圖

題華嶽江樓圖 神馬歌次韻陳元之

古劍歌為吳真入作 梅梁歌酬鄭集之

題趙千里山水扇面歌 題秋雨長吟圖

竹樹圖 時中兄示余畫一軸畫一老

翁雅獨輪小車上載兩巨甕意其為警世之為因為

楊仲宏集

目錄

五

留香室月離

賦詩

卷之六

宗陽宮望月分韻得聲字

次韻錢唐懷古 四首 題豐樂樓

水樂洞 題拱北樓

次韻羅雲叔紅梅 紀夢

次韻陳子仁黃河 二首 遊水樂洞分韻得人字

望海 送羅雲叔歸山中

送段時敏之京 留別京師

東澗東萬戶蕭伯善 送勾曲外史張君歸華陽

送戶部康里尙書

贈同院諸公

玉堂夜直

惠山泉

寄維揚賈侯

寄康大夫 二首

寄康里公 二首

寄康大夫

送伯長扈駕 二首

寄袁伯長

東湖四景爲大尹本齋王侯賦 四首

虞待制魏錄事述懷有作次韻奉和二首二公皆故相

之後 二首

卽事

次韻伯長待制

送薛元卿歸龍虎山

送虞貞白之辰陽

春雨

楊仲宏集

目錄

六

留香室開雅

徐獨清挽詩

寄武當山人張真人

題火涉不花同知畫像 次韻田師孟西曹卽事

次韻黃子久獄中見贈 鷗波亭阻雨

懷錢唐故人東應中父 寄吏部張尙書

題謝疊山遺墨 二首 題本齋王公畫像 二首

寄題成都萬竹軒爲李仲淵作

送范德機 送鄭子謙倅蘭溪 二首

贈彭萬里 七月十九日大明殿早朝

酬賈郎中 雷江阻風寄池陽通守周南

翁

送王仲儀歸婺源

體覆木綿價過樂平境中偶賦

題義倉卽事

題楊指揮樂善堂

次韻張秋泉真人碧桃

再次韻

江上

過安慶城下呈李惟肅判官

寓長春道院春雨卽事呈鄭尊師

二首

題沈君湖山春曉圖詩卷

東程處士雲谷詩稿宜日贈合部遇宗師

卷之七

舟次池陽偕通守周南翁燕表姪陳和卿家席上贈歌

者

簡松江汪知府

楊仲宏集

目錄

七

留香室

壽姚國公

武當山張真人

奉呈左司張元朴郎中

贈惠山望長老

寄曹雲西

送師總管

題景德寺雲谷老師宜月軒

送趙伯常

重陽日作

贈善畫沈處士

送戴尊師入越

簡李可度

贈戴醫

贈王止善

次韻吳生見贈

贈雲上人

卜畊宋徵士

送周用章

送陳堯卿之京師

登邵氏宜晚樓

呈馬昂夫僉院

次韻錢翼之

賦飛鴻送胡則大

賜宴謝恩

送劉長卿張伯起二公歸闕

中

奉美劉侯

次韻蕭君用

送殷國華之和州

遣興

湖上

贈沈子成

偕汪侯宴舟中

偕鄭尊師飲余氏池亭

竹所爲余隱君作

贈月桂庭長老

送王仲致舍人歸閩中

用左轄郝公詩韻寄曹雲西居士

楊仲宏集

目錄

八

留香室開

送劉希孟赴曹雲西招

送葉顯仁任衢州錄

暮春遊西湖北山

題夏氏濟飢詩卷

謝曹雲西菊

題沈氏東陽義塾

謝曹雲西寄菊花

寄無錫倅劉雄飛張景亮二

史君

次韻羅雲叔雪中見寄

贈張相師

次韻汪復心玉簿

送方天瑞釣臺山長

高沙朱山甫挽詩

送高子盤初菴山長

題張氏願堂

遣興

用左轄郝公詩韻曹雲西居

士

題胡伯衡飛雲圖

元日早朝次韻辛良史

歸至丹陽宿逆旅主人夢作

燕子詩

送吳真人 二首

題貢氏秀野堂

次韻張仲實除日聞鵲

吳山晚眺

次克明韻贈劉時中

潮

次韻袁德平苦雨

遣興

雪

夏夜對月

送方仲永爲重慶路校官

次韻劉時中見寄

遣懷

卷之八

題高尚書竹石

趙浚儀公竹石

楊仲宏集

目錄

九

留香室開雕

王晉卿古木

墨蘭

墨蕙

題松雪翁墨竹 二首

題墨竹四首爲鄭尊師

畫竹 二首

客中卽事 五首

悼隣妓 三首

種柳圖

趙松雪畫蘭竹石

漫題

贈陳相士 二首

棘林圖

沙雁

題應中父所藏陳仲美山水小景

扇上竹

題高尚書墨竹

聽琴圖

讀碑圖

水仙花

題雪竹圖

題風竹圖

題息齋竹

雷泉

次韻康子山舍人二首

題鍾呂傳道圖

到京師

送人二首

畫竹石二首

宿浚儀公湖亭

四首

題十二紅卷子

題巨然秋山

題鄭子貞畫像二首

次韻陳又新真人北上

贈高如山

題畫兔呈馬伯庸學士

喜晴

題廣寒龍先生詩卷

三首

題倪御史墨帖

二首

楊仲宏集

目錄

十

留香室闢雕

紀夢二首

題溫日觀葡萄二首

題墨竹二首

用韻送德陽入越為贅婿二首

次韻子正雪中雜興

四首

題子行所藏魚藻圖

題宣和畫爵二首

次韻雪三首

題魯氏墳山詩

題三生圖

雲林雨霽圖為瞿澤民賦

山谷帖

趙承旨帖

陽關圖

春山圖

集虛

偶題二首

畫枇杷

偶題

清溪

喜晴

題沙總管屏風

畫馬

楊仲宏集目錄終

楊仲宏集

目錄

士

留香室閣雕



楊仲宏集

目錄

楊仲宏集卷之一

元楊載揆

長樂梁章鉅
浦城祝昌泰全較刊

雪軒

北風海上來大雪何壯哉上下九萬里洗淨無纖埃君家十
二樓軒窗洞然開吹笙擊鳴鼓呼賓與銜盃名言落四座大
笑聲如雷舉頭望長空高興驚冥鴻仙人五六輩飛下白雲
中粲粲明珠袍相從萬玉童問君何所事未就丹鼎功翩然
却攜手共入蓬萊宮

次方韶父遊九鎖山韻

平生一枝筇長踏市朝路出門見青山如鶻追狡兔茲晨正

楊中宏集

卷一

一

留香空閣雕

炎暑赤日那肯算振衣得冷風超若忘世故冥冥九鎖雲木
賸心已慕想當挾良朋盡取奇絕處曠哉天壤間萬物豈爲
爾歸來思喜邱我服寧改素無官正爾佳有子亦堪據誰歟
事虛名白首不知誤

桃源圖

巨鰲奮其首戴山出海中神人擇所處共搆金銀宮凭高開
戶牖屈曲互相通女仙七十二顏色如花紅一一執樂器奏
曲殊未終世傳桃源圖共徵彭澤翁此本出異士雕刻尤精
工天地極廣大爲地當不同我願學仙道積久乃有功鍊形
去滓穢五色浮虛空一朝乘風去浩然入無窮

次景遠學士立春日韻

四首

大雪入歲暮其兆爲有年漉漉始彌旬父老怨苦寒平旦上馬去重裘忽如單况彼牛衣子束縵噓微烟賴有固窮節猶念及古先

古來有道士聲利不寔懷顧於草木微而愛松若梅茲辰閱庭戶適逢數花開芳意未渠央是足銜吾盃

人事重名實趨向盡百端丈夫負雄氣動欲追古賢於意少不愜自放江海邊登高望八極雲氣生我前萬事何足問所須惟酒錢

崎嶇旣山曲迢遞亦水濱旣見蓬葦士輒復忘爲勤得之眉

楊仲宏集

卷一

二

留香室開離

曉間我遇固巨神所爲但樓護豈暇從若人

送淳安徐教諭之任

握手出南城春從此辭蒼茫寒江色日暮浮雲滋大舟挾雙鶻輕若四馬馳淳安衆才彥並遲得師資擊鼓會高堂帷帳春風吹執經列座下質問無留疑平生五車書少出胸中奇歛然聽佳譽庶用懌我思

贈李尊師

李君神人也冥翫居中還丹九轉成顏色如兒童致虛感元氣語默與天通頻歲傷水旱下民食不充日雨須有雨日風必有風上帝聞其賢行世多陰功策名紫虛府進位稱仙

公騎龍上天去此樂終無窮

太古雪爲楊友宜賦

往時天大風能吹華山裂鑿此一卷石或云太古雪粵自開
闢初雲氣所凝結已經六萬歲變化同截業望之色正白表
裏共澄徹塵土不能沈光采耀日月願君勿愛此持以獻金
闕回中避暑時持用消暑熱

胡氏刺虎圖

宓有烈婦人胡姓嫁劉氏從夫棗陽戍車宿水之溼夜半猛
虎至銜夫入菑翳夫人自驚起不暇爲生計直前執虎足盡
力與牽制呼兒抽佩刀刃刺虎立斃夫命縱不救復讐古所

楊仲公集

卷一

三

韶香室開雕

貴嗚呼流俗斲人義日以廢婦不惜其夫臣子競爲利患難
圖苟免聞此得無媿吾故作此詩於以告萬世

溪山積雪圖

大雪歸溪山長林晝冥宮榭橋跨絕岸遠望行客少買魚鮓
新酒獨酌竟昏曉似此非他人高士戴安道

借虞伯生魏雄卿魏池燕集分韻得閣字

侯家有貴客置酒燕池閣溽暑方盛極風雨俄大作移楊相
簸蕩蒲荷紛偃薄亂叫失蛙黽回翔迷鸛鶴街流汗穢盡竇
湧波濤惡喧聲劇降殺神氣欣洗濯趣歡爭酬酢咲雜歌
罍益弛劍佩嚴未厭觥籌錯調變維理得滲漉宜施博和澤

布原野濕烟散城郭嘉蔬已萋萋良苗常濯濯吾徒家食餘
稼有豐稔樂

題溫日觀墨葡萄

日觀作葡萄雷掃無蹤迹誰於故紙上點綴辨墨筆西天十
萬里來往僅瞬息敗闕固不少遺下履一隻

題金壇宋氏自怡軒

白雲生何許萌芽白山石厥初僅毫末須臾大充斥蔓延塞
虛空日月爲昏匿或時爲霖雨庶類蒙潤澤或隨飄風散起
滅竟無迹相緣千萬變發色黑青赤畸人飭棟宇遠俗喜幽
閨開軒納高曠撫玩自怡憚人情慕富貴驅逐不暫息轉盼

楊仲宏集

卷一

四

留香室閒離

失故常在已何所得上下數千載往事猶歷歷於焉服聖訓
無用苦沉溺昔年陶隱居常作帝王客挂冠神武門作詩寫
胸臆超然處物外可謂貞且白何以企若人鞠躬修道德

礪松爲了師善作

礪松高百尺磊落多大節連根抱危石古色黑如鐵隆冬方
沍寒山中積霜雪蘿蒿悉枯死蒼崖猶凍裂此時唯老幹峭
直不摧折國匠求美材瞻望歎奇絕險阻不可致旣作復中
輟我顧驅六丁操斧墮囑嶂得此棟梁材持以獻天闕

劉將軍詩

交趾小蠻夷去國將萬里土產無異物其人狀如鬼濕熟生

瘴氣疾者皆不死天兵雖南征棄之良有以往年鄂州省經
靖失其理交馳赤白囊來告犯邊鄙遣人覘虛實在延孰可
使矯矯劉將軍一旦備行李有才兼文武不但善弧矢深入
險惡地限敵纜一水介者數百人視之若螻蟻移文至其國
詰問事終始指摘中利害文辭更深美報書禮甚恭傲邑何
敢爾疆吏爭怨隙構煽乃爲此賄賂却勿受足以振綱紀威
聲聞遠方一邊禍爲弭國家方全盛武備不可弛如此將帥
才宜歌宿衛士

古木詩

大木生何許乃在泰山隈泰山崖石裂怒水響如雷浸潤長

楊仲宏集

卷一

五

留香室開聯

膏液根株日以培縱歷千百載霜雪不能摧長安天子詔欲
築九層臺臺上構宮殿青雲共徘徊匠氏走海內博求棟梁
材萬夫治道路揮斧重林開大器當大用小器易翦裁有如
豪俊士蹤跡困塵埃適可厚自養毋爲興歎哀

東山詩爲葉子實賦

東山高幾許上有浮空雲葉君居其間好道風所聞窮年絕
人事危坐攷遺文松關晝常掩石田朝自芸葆真去汨昏養
息龔胤盦軒冕有遺策高舉謝世紛悠悠阻林莽長與麋鹿
羣繇來巢許臣不事堯舜君

題恆齋

精金有恆質入火愛百鍊君子有恆性寧逐外物變既不慕
富貴又不厭貧賤素履往無咎夷險隨所踐張侯老世故此
義頗深見勉之復勉之繼之在無倦

次仲實見寄韻

平居憶故舊懷抱輒不佳興來望浮雲悵恨獨舉盃奇文孰
能賞高言孰能偕茲辰辱使至喜有音問來諷誦劇傾倒百
過卷且開得知賢者心出處□□□山嶽縱可移厥高固崔
嵬敞廬邈喧市卑濕苦病骸常念川路修杖屨安得陪撫事
意疎散毋論與俗乖猶恐戰不勝常處澗谷隈斯言弗果踐
臨風重徘徊

楊仲宏集

卷一

六

留香室閱

題文丞相書梅堂

大厦就傾覆難以一木支惟公抱忠義挺然出天姿死既得
所處自顧乃不疑惻愴大江南名與日月垂我行屐遺墨再
拜墮涕洟名堂有深意亦唯歲寒枝可知平昔心懷饒非一
時峩峩著棟宇昭昭示民知勿使風雨敗永慰千古思

塞上曲

沙塞何窅窅樹短百草長大河屈曲流不復辨四方驅車日
將夕黑雲隱長鬪人馬俱饑疲解鞍飲寒塘張坐逐平地擊
火燒烏羊捫酪過醇酎搖艷盈盃觴既醉歌嗚嗚頓踣如鷲
狂月從天外來耿耿流素光悲風動寥廓拂面吹胡霜白雁

中夜飛參差自成行一箭落霜羽挾弓負豪強中情無留滯
千載能鷹揚

巳中南峰陳翁義莊

骨肉分枝葉由來同一身榮枯不相待此富或彼貧君子尚
周急况復在親親昧茲損益理有覩獨何人南峰自善士義
勇超常倫焦心視末俗變化何由淳孰利佳田園壑舟固有
神割之惠宗族爲世成吾仁仰正文正公遺法實所循垂名
倘不朽當與斯人均

偶題

叢生園中草蔚蔚媚幽姿乘時各敷榮皓色被綠枝似有微

楊仲宏集

卷一

七

留香室開雕

香發秋風輒吹之入人襟袖中亦復可憐茲詰朝步荒畦葦
葉稍離披飄零卽已矣霜露不爾私榮悴既有時小大何異
而幸愛七尺軀天道不可欺

夢讀退之詩頗奇詭已覺記其大旨作此篇

自聞蓬萊山大林夾長巒上生夔藤蘿下生荆榛菅仰不見
天日藏蓄霧雨寒仙聖常所處沮洳亦少乾雖云誇鳳凰出
入傷羽翰哀音起空洞令人鼻準酸我欲訴上帝爲施鐵鑿
鑽琢落石側裂化爲千丈磬瓊樓與玉殿玲瓏相通寬日月
交戶牖光射青琅玕而我從吾師來遊樂且般呼吸養元氣
華腴生肺肝萬劫永不死如循環無端竊爲仙聖慮炳然心

若丹上帝如許我致此亦何難

雪後次鄭集之韻

雪後登高望江山信奇哉重岡起伏相連白體體水官方
謝事雲氣霽然開六龍翻滄海赤日從中來萬物將蠢動忽
如登春臺木行味正酸含菱先屬梅天時亦相應初昏占斗
魁遨遊自茲始入林踐蒼苔西湖青灑滌西山高崔嵬長松
更千載老枝多折摧名僧結精舍靜謐依巖隈伊子實放士
正可誅蒿萊情深惟痛飲毋吝發新醅家人欲求我但見白
雲堆機心無自作可使絕嫌猜君辭如泉酒我醉如山頽卜
居同里巷時時得追陪爲瓊先或罄此耻當及罍大雅歌治

楊仲宏集

卷一

八

留香室開

世其音不宜哀有倡必有和愧我非長才美哉春雪篇雲漢
共昭回

次劉師魯韻

三年客塞上日夜懷舊邱飢來迫我去何暇爲遠謀四顧無
一親此身如羈囚悲風動沙漠回首令人愁道路已漫漫歲
月復悠悠丈夫四方志至此何所求買船發河上河水亦南
流携鉏理荒圃吾疾日已瘳飛雁至江潁北風天始涼是時
禾黍登斯人亦少康皇天降厚德胡爲私一方燕趙及齊魯
人飢或相賤奈何有積廩如陵復如同生非肉食者此憂心
甚長亟謀樹臯壤翦茅覆小堂我志亦易豐歲祀有特羊

夏夜偕田郎中宿張子元家田君有詩用韻

長日氣甚昏欲睡不可忍薄葺更飲酒趣取太白引坐久輒醒然累語加況矧高情逸世表遂使名迹泯彼人較是非達者但微哂交遊半天下公輩獨英敏

橘中篇

並海無山林莽莽皆平疇君家擇地利卽此營菟裘樹作藩屏青紅間綢繆其中植橘柚擁蔽枝葉稠盛夏開白華朱實懸高秋飛霜虐萬物寒風助颼颼凌晨察變候策杖巡維隙是何黃金多暴露宜藏收採摘資衆力轉輸及他州子長傳貨殖謂此同列侯上充國家賦下貽筐莛謀千縑可坐致

楊仲宏集

卷一

九

留香室閣

何必龍陽洲

次袁伯長韻

盤盤海底石並樹青琅玕至陽生至陰龍宮常苦寒揚光炫朝彩吐氣蒸微瀾根株歷千載莫測勞悴端端如巢居子草木皮衣冠超然去人羣取友蹄與翰日誦黃帝言浩歎淚闌干奈何天下治必以雲爲官佩劍黃金環咀丹白玉盤自聞至人德積熟生肺肝黃塵日暮起對面不相看三山在何處使我師王韓聊歌紫芝曲倚君清夜彈

題屏風畫商山四老人

飛雪灑遙野衝波蕩無垠蟠蟠山谷間居此四老人下爲民

庶師上作王家賓清風渺何許馳想寂寞濱

李御史之陝

秦中古帝都遺俗五方并君爲監御史出治周百城上當宋
民風下當宣德明赫赫英威振奸惡皆震驚弭節事觀覽慷
慨有高情宅土稱上腴后稷此躬耕秔稌旣充實烝民日已
生我行半天下留滯客燕京吸然岐山嶺嘗致鳳凰鳴駢驂
不可追矯首望去旌贈詩聊自寫寸心西向傾

遣興偶作

春蔬茂前畦蒨蒨有顏色珍禽叫深樹過耳亦一適用是易
吾慮母爲自斃積放浪天地間無今亦無昔古人得意處相

楊仲宏集

卷一

十

留香室開雕

與元不隔如何故人心未熖我胸臆微言極緘芥實出左右
力豈憚决係躡人生且爲客

書懷寄杜原父

二首

吾生何爲者穉年志頗高神仙與功名壯思躍秋濤中宵豈
無寐悲甚幾欲號後來失所養百數患難迷竭方奉甘旨出
人身甚勞舊書益遺亡九牛存一毛稍後與人事忍情如忍
刃旦夕自惟念未足非兒曹常欲力道德屢失迷所操區區
習蠹簡對案夜焚膏倘然有所得中心樂陶陶忽如從古人
握手共遊遨携持亦何事庶用娛蓬蒿追思作詠歌示之必
賢豪丈夫生世間毋論賤與貧夙發多意氣往往惟任真松

栢生高岡挺然固出羣不爲霜雪阨不爲風雨春得時可行
道節義亦足伸吾生托下土所識凡幾人窮交獨相慰笑語
亦復親

遙望山下雲旦起迷羣岫老鶴巢其中縹緲標未構長鳴對
秋月鳴罷復俛啄散入墟落聞者莫能究顧惟雲外客娛
心飲醇耐於此何如哉吾亦有所邁往來常泛舟泝流浙江
上是時秋風高濤水日夕壯瞬息踰百里猛捷莫可狀倚船
縱觀久力可騎鯨况顧謂吾友言爲樂頗豪放斟酌尊中酒
懷抱益虛曠常從山中遊賓愛巖谷幽長松蔭泉水四時清
如秋佇立輒良久忽欲忘其儔吾聞古來人山居多名流此

楊仲宏集

卷一

十一

留香室開雅

語或可信市朝安得留

黃天祥衍三天數求詩

嘗論術數書其變難盡紀爲之非聖賢亦多有妙理造端無
大異據六甲五子分門復析類包括備終始黃生衍三天有
名聞遠邇蔓延善推測布算加積累吾行徧天下所見亦多
矣如生豈易得詣實不虛美往來江海上宿留隨所止省識
凡幾人孰爲豪傑士歲月瞥眼過春花旣紛萎蕭條臥旅邸
風雨響窗紙勸生遊京師比走五千里貴人多問命禍福常
自擬兢兢恐跼墜有甚履淵水爲言微無咎抵掌必歡喜微
名何足取奮步從此起

題史仲憲重修三皇廟

史君宰宜黃政績頗殊異廉不至苟取明不可壅蔽有詔行
括田使者自臨視限期已促迫責在州縣吏乘時自培克上
下受其弊君不憚勞苦日夜視算計頃畝無增損成書極根
柢隣壤大盜起相約不犯界三皇大聖人典祀承國制捐金
修廟學首政繫瞻視事事有條理後來藐難繼集賢秉直筆
稱述傳後世當分處風憲擇才願詳諦一朝任擊搏風采必
嚴厲英王方在上明見萬里外鄙詩或流聞亦可當獻替

贈無極進上人

進公宗門秀高標如長松雪亦摧折天矯化爲龍燕坐大

楊仲宏集

卷一

七

留香室開雕

道場五戒爲垣墉魔賊悉散走不復事戰攻禪居闕青峭窈
戶加雲封長日語聲絕風動橋牙鐘

贈執中允上人

南山多白雲澗漫寒雁谷中有龐良叟寂寞卧林屋前門樹
高松後戶植幽竹孤風相纏繞波濤驚蕩沃梵文五千卷誦
說盡精熟時時發清唱鏗鏘擊金玉伊余走海內一見輒歎
服願言從之遊淡泊心自足

靈龜篇爲陳渭叟作馬尊師所畫芝龜也

蒼龜生中山深阻絕中道不飲亦不食靈和中自抱軀休疑
神液巖上產芝草支千集五采相射顏色好彼遊江海上海

計苦不早一罹豫且罔性命莫能保歸遺宋元君天意資探
討築宮修祠祭相承以爲寶神者固如斯遺骨易枯槁古聞
蒙莊氏苦語欲相曉持爲衛生經千載長不老

楊仲宏集卷之一終

楊仲宏集

卷一

三

留香室

楊仲宏集卷之二

元楊載撰

長樂梁章鉅
浦城祝昌泰
全較刊

送凌吉叟 二首

大江風雨暗此日送行舟會合能無間携離祇自愁棄繻才
足恃題柱志初酬請看秋鴻舉冥冥獨未休

末俗唯無侶吾儒氣亦卑相從謀飲食那復敬師資衆已欺
王式吾猶信不疑可憐如鷓鴣雀擾擾在藩籬

初陽臺望月

彩雲相羃歷華露共嬋娟在水渾無墜當空孰使懸潛虬精
魄動宿鶴羽毛鮮寂寂丹臺夜相從訝得仙

楊仲宏集

卷二

留吞室開雕

次韶卿壬寅元日又三日閑遊人頗盛之作

堂堂宵雨過栗栗曉寒仍獻歲人同得東郊事復興杜門疑
我拙有句愛君能且驗臨增草從今日漸增

寄劉師魯 二首

好在劉公子遨遊興若何江湖勞悵望歲月劇奔波送寄天
涯遠詩傳海內多前賢題詠處一一爲經過

想君遊宦處正值洞庭湖落日波濤壯晴天島嶼孤舟航通
漢汚風物覽衡巫天下文章做非君孰起予

龍井

元造生羣物唯龍德最靈作霖蘇元早取水竭滄溟變化無

留迹蜿蜒善養形壯哉吾羨汝一躍上青冥

贈吾子行

春雨連城潤春雲映戶多長衢方淖淥小水亦風波慎獨能
如此思君可若何便當乘興去著屣一相過

東陽十題

焦桐

只作全生計唯存半死心芻蕘猶不置斤斧重相尋遂使煨
焦釜誰爲愛古琴有材不足恃愁絕念知音

蠹簡

往古韋編在何年始汗青蠹蟲深卜宅科斗少成形泯滅陪

楊仲宏集

卷二

二

留香室開雕

秦火搜羅出漢廷斯文天未喪不敢望全經

破硯

彼美端溪石家藏歲月多廉隅皆破缺筋力盡研磨玉亦堅
而已星如粲者何向來曾自詭持用掇高科

殘畫

斷裂無邊幅華堂棄置餘蒼松深踞地白鶴上凌虛風格猶
森若丹青總翳如苦心絕人事誰見用功初

舊劍

匣裏雌雄劍通神世所聞潛精依厚地吐氣切高雲亦有蛟
龍害寧無星斗文不逢雷煥識埋沒復何云

塵鏡

收藏無寶匣歎息網絲懸孰使明爲暗如觀醜勝妍玉臺終
寂寂金鵲尚翩翩政訝開元日虛將盛事傳

廢紫

二尺書檠在如今久棄捐魚膏雖有焰蠹簡獨無緣牆下偕
遺礫窗間帶舊烟却觀提挈處辛苦悔當年

敗裘

寂寂牛衣子能無敝緼袍塵埃須浣濯蟻蝨費爬搔意味存
雞肋寒涼視馬毛千金旣銷鑠猶聽朔風號

斷碑

楊伯宏集

卷二

三

留香室開雕

摩挲不成讀上有藓斑斑字畫鍾王輩文章漢魏間龜趺洞
蟲鼠螭首落孱顏渤海神明遠今同磴石頑

臥鐘

漢殿經焚後喞然臥草中彫殘牙板廢繡澁土花蒙追蠹難
陳力華鯨不奏功待賢初設簾想見古人風

送屠存博

二首

君往金陵郡於予亦有聞海環平野盡山出大江分未召元
司馬誰憐鄭廣文自今師道立章薦必紛紛

江左知名士唯君德最淳明經初試吏食祿可榮親矯矯能
違世棲棲直爲貧朝廷求俊乂未易捨斯人

渡江寄俞仲連

丹濟大江濱中流日欲曛
函翻沙際雪潮落渡頭雲
鯨躍常知候鴻飛不亂羣
頗思論勝槩把酒莫如君

奉題伯父雙峰樵隱

五首

山出雙峰秀溪流一派清
土風存禮讓人事省將迎
路遂高低過田隨早晚耕
家林有如此南望每關情

童稚離桑梓猶能憶故山
雲峰乘白腳蘚石露蒼顏
插架詩書富應門禮義閒
綠林遺我恨回首淚闌珊

石樹盤根瘦沙溪激浪清
竹閒看犢臥木末見人行
穡事常分力樵歌輒和聲
從來携杖處不礙白雲生

楊仲宏集

卷二

四

留香室開

山曲兩三家相過路不賒
對門開竹徑臨水種梅花
酒熟留人醉詩成任客誇
時時談舊事相看鬢垂華

草滿三春綠山留萬古青
呼兒欣解意應俗憚勞形
採菌敲寒木收魚炤夜汀
祇應老崖谷束帶尙論經

贈方韶父處士

二首

蜀郡蘇明允襄陽孟浩然
成名兼二子得句詫羣賢
口絕人間事身如物外仙
卓然能有此未信獨無傳

古賢皆眇邈不意見斯人
得趣時時好吟詩句句新
拏舟來訪友覽勝輒經旬
別業桐山下歸歟願比隣

和孟東野題崑山寺

蘭若負崑岡鑿崖安佛牀
梯雲石磴滑入厨泉水香
且寒鳥相聚月黑龍放光
舟行苦局促幸憇殊勝場

送方韶父先輩遊五湖

蕭蕭垂素髮渺渺汎滄波
過眼江山好離家日月多
詩名終不朽世事復如何
一往五湖上蒼茫問釣簑

和張仲實之吳興舟行雜詠

二首

水程通百里雲樹隔千層
鶴髮歡相見龍門羨獨登
文辭無乃壯杯勺尙能勝
仰止情何極吾爲附驥蹤
風流須我輩邂逅及斯時
道術懷經濟文章出笑嘻
由來天下士絕異里中兒
他日金閨彥娟娟想翠眉

楊仲宏集

卷二

五

留香室閣

楊仲宏集卷之二終

楊仲宏集卷之三

元楊載撰

長樂梁章鉅
浦城祝昌泰

全較刊

寄題羅氏別業

二首

溪行如百里爲地已幽深石轉黃金曲山抽碧玉簪
杯觴酬日月絃誦起雲林樂事無終極誰能得此心

門前臨白逕長日少人行野樹重重暗溪流脉脉清山形元
不斷雲氣自相縈已似龐公隱何時重入城

江行次韻

六首

潮頭終歲白沙腹有時皤利涉他州柂終更古戍戈天依臨
海樹風作滿江波亦有投竿意還聽孺子歌

楊仙宏集

卷三

留香室開曉

舊事如遺迹新愁轉泥人晴天宜縱步凍草各含春野鶻飛
林杪沙鷗過水濱江山改如此晚望及斯辰
藜藿與我食薜荔亦吾衣養性隨時足全生狗物非秋蓬猶
未定風樹莫相違漫作烟霞想曾無羽翼飛

春花聊共采若木有誰編浩蕩寧無取紛華幸見憐緒風吹
四裔清露洗重元萬物皆生意蹉跎畏此年

路僻行來好天清望極遐白魚翻急浪黃犢臥晴沙柳吐千
條葉梅殘幾樹花佳辰從此數歷歷看韶華

子胥因諫戮茲事幾經秋顧爾忠難捨於今憤不休天風吹
地轉海水入江流欲問鴟夷處茫然使我愁

酬子行初秋風廳之作

莫夜風濤鬢朋騰怒不休魚龍皆失穴江海欲同流並岸漂
千舍連檣覆萬艘陰陽知有沴惻愴動深憂

送孫大方歸朝元宮

三首

高臥林泉表超然謝世紛空山鳴白雨古石繫蒼雲不作夔
龍伍甘從豕鹿羣都門遊宦客回首總慙君

飛構上凌空依稀想故宮金盤凝曉露玉佩振秋風溟泮那
違俗支離更養蒙大還何日就變化入無窮

爲樓因地勢四面盡青山路落秋城外河流曉樹間雁飛雲
漠漠龍現雨珊珊建木光華盛何時共折攀

楊仲宏集

卷三

二

留香室開雕

挽饒國吳文康公詩

二首

厚德修天爵崇資拜地官粲然周典禮偉甚漢衣冠共喜懸
金印俄聞蓋玉棺史臣書寵數光照碧嶺岧

道學繇賢子推恩自聖皇白茅分壤土華袞賜衣裳漫注長
生錄虛傳御老方神遊終不返瀛海路茫茫

題張氏順堂

百順名爲福紛然會此堂詩書成蘊藉黍稷發馨香夜戶鳴
琴瑟春筵酌酒漿子孫宜孟晉相繼謁明光

題信州先天觀圖

四首

回環因地勢制作本人謀蔽日來龍駕凌空結蜃樓秋琴翻

浩蕩夜磬答深幽願受長生訣他年幸一遊
高林褰翠氣虛谷散虹光道士多騎虎仙人自牧羊澗泉通
地遠山嶺際天長戴子文爲記流傳示不忘

四圍山不斷狀若碧芙蓉谷遠合風細崖深下露濃茂林藏
虎豹陰洞伏蛟龍恍惚神人降浮空羽蓋重

鬼神相與處燒藥易成功雲霧生牀下雷霆起空中養身唯
淡泊遊世等虛空高舉寧無日飄然獨馭風

次引浚儀公題蘭竹卷子韻

樹蕙連叢竹祇應族類同相依巖石畔併入畫圖中勁葉凝
清露危梢倚碧空諒非高世士此意固難通

楊仲宏集

卷三

三

留香室

贈程景純

二首

南遊觀楚越北度覽幽燕羈旅新愁換英豪往事傳塵沙迷
遠驛風雨暗長川好醉新豐酒清朝正選賢

論士無他術先觀氣盛衰澗松多勁節瓊樹有高枝圖籍會
無覽弓旌詎久遺似君宜努力慎莫負明時

思菴

閔氏青山下遺封見若堂夔我恩未泯拱水恨難忘德業銘
金石詩書塞棟梁子孫修學術奕世有輝光

赤壁圖

寂寂長江夜同人共泛舟清尊方浚蕩孤棹且夷猶望遠幽

禽度長歌獨璽抽千年遺跡在不逐水東流

贈昌上人 二首

山中明月小隴上白雲多且食餐松柏秋衣攬薜蘿俗人希
見問禪老每相過異日高僧傳垂名定不磨
未生天地始此理固存存直木何由曲清源不可渾養生毋
過厚守道在彌敦超出塵埃網斬師共與論

送葉彥中之官行臺 二首

范滂將攬轡周景已題輿九尾名兼美三鱣兆豈虛都門愁
摻袂江徼喜沿書重有斑衣奉南州總不如

大府徵才士知君學業優兩京勞侍從十載困淹留白雪歌

楊中宏集

卷三

四

留香室開

難和青雲志易酬鍾山多勝槩有意與同遊

送胡秀才歸新安 二首

明詔方求士知君有俊才未聞遺杞梓何事返蒿萊似驥寧
淹足爲龍豈暴腮文章成錦繡他日必重來

彼美逢衣子遨遊至上京雲霄方有志塵土已知名塞雁驚
新恨溪鷗憶舊盟秋風吹易水惆悵復南征

惠崇古木寒鴉

江上秋雲薄寒鴉散亂飛未鳴常競噪向晚復爭歸似怯霜
威重仍嫌樹影稀老僧修止觀寫物固精微

留別陳益謙

大帆仍駛姿雙棹復夷猶曉岸烟沙潤春江霧雨稠桃花隨
漲水苜菜逐長流遲子來京國何時賦壯遊

遊陳氏園偕李治中張提舉

曉日從千騎郊原樂事多溪山春與麗烟靄晝相和宿蠹藏
編冊鳴騶隔薜蘿使君辭滿引起舞亦傚傞

挽艾處士 二首

才行能雙美終身作布衣江湖名自遠塵土迹還稀野菊秋
霜薄岩松夕照微沙鷗盟未改忽忽下漁磯
撰文來相府書字出詞垣盛事傳千載幽光發九原父賢宜
並著子孝復堪論多少衣冠族無聞愧後昆

楊伯宏集

卷三

五

留香室

顧氏義塾

居鄉爲義塾茲事罕前聞外戶來矜佩中堂蓄典墳儒宗先
麗澤聖德尙彌文吳下多豪族能賢總羨君

挽吳道士

曾爲方外士抗迹出塵氛既草歸田賦仍書誓墓文臥牛空
有兆紀鶴竟無聞春草年年合誰憐道士墳

送林季羽入京宿衛 三首

青雲自致身磊落見斯人卷袞辭蒼麓垂纓侍紫宸漏殘珠
閣曉香暖玉爐春倘厭承明事歸來衣錦新
終軍方近辛賈誼最能文獨用奇才進應將美譽聞金鞍尤

昭地寶劍氣凌雲來往燕臺下同游必羨君
衛郎皆世胄之子更才賢意氣雲霄上榮光日月邊都俞聞
寶訓出入奉瓊筵立志當宏毅功名不偶然

送徐義父入京

二首

舊宮三冬學今爲萬里遊風雲丹鳳闕雨露黑貂裘南土名
先著東堂選必優相逢多意氣談笑接名流
幽燕向日邊裘馬去翩翩積迥沙如雪河窮浪入天上天雙
闕下待詔五門前壯節當奇遇無煩媿往賢

贈雲上人

二首

多生爲佛子慧淳自童蒙蟬蛻凡塵外龍騰覺海中一真元

楊仲宏集

卷三

六

留香室

不染四大本來空異日叢林下知師繼杲公

人世百年內都如過隙塵不開心上眼苦愛夢中身城市無
閑日江山又晚春相逢言道好獨覺意相親

贈胡汲古

二首

先生唯達道久矣樂山林致聘無雙璧爲生過十金身閒雲
出岫髮短雪盈簪遁世猶吾志同盟欲自今
野客何蕭散長年暫出遊風塵唯短褐江海自扁舟有迹能
來往無心任去留才名今籍甚屈指到枚鄒

送胡汲古之吳中

有客佩蒼精居然得此生山開棲越跡水泝入吳程佚老悠

悠計傷離戀戀情食菲方未已應不爲魚羹

中秋

攬雲憑結構步月上林臯不記金尊竭頻瞻玉宇高神清存
夜氣天濶數秋毫百尺樓如在何煩臥汝曹

挽曹光益 二首

斯人吾所愛不見已經年頗怪魚書絕俄聞鵬賦傳歸魂迷
道路遺骨滯山川遠業凋零盡臨風爲悵然

好學無如子冥冥獨苦心未成梁棟用誰使雪霜侵宿草孤
春意游雲泊大陰憶渠情不已揮淚在衣襟

贈劉時中 二首

楊仲宏集

卷三

七

留香室開

騷雅誰能繼居然屬大才銳思羅宇宙逸興走風雷處勝輕
流俗名高震外臺東郊乘大路翼翼待龍媒

吳越千餘里君來按轡遊羣公虞罪戾多士想風流決事曾
無壅觀民輒有憂若人何可得離別重添愁

送王元禮歸平城

燕趙多奇士遺風有固然射鵬猶絕藝屠狗亦名賢形勢威
天下風流號北邊送君歸此地亦欲奮吾鞭

牧羊憐馬援投筆困班生侯印終兼紹寤愁實飽更大才當
用世小挫亦知名快飲桑乾酒能澆氣不平

贈張之翰 二首

外臺收榷屬奮步集亭衢落落蟠英氣飄飄發壯圖威風聞
郡邑行李涉江湖並轡逢佳友周遊興不孤

長才當用世進取或殊途朝劇曾揮刃銷奸若燎枯交遊冠
蓋盛出入禮儀都有賴寬衰俗餘波及腐儒

送陳君佐入京 二首

子欲遊京國程途萬里遙束裝辭邑社振旆躡風颺學問先
餘子飛騰在一朝太平知有策必顯聖明朝

董子知天道朱雲善易經由來登俊父所以重朝廷彼有譏
儒服吾無鼓說鈴君看鴻鵠舉忽忽至青冥

宿延祥觀有感 二首

楊仲宏集

卷三

八

留香室開

處世如庸俗胡爲淹此留蹉跎悲在日磊落愧前修願棄人
間事來爲物外遊大還如可就猶足訪丹邱

瓊館遊仙子超然遠世情言辭多近道豪翰久知名露下衣
裳濕風來几案清似君居處勝亦足寄吾生

題青田葉叔至野清堂 二首

爲堂殊顯敞在野興尤濃白水流千折青山繞百重樹蔭行
旆旆時水倚童童相對漁樵話終朝亦罕逢

遠來山異甚龍虎互騫騰溪狹灘聲悍林繁雨氣增正須求
靜坐何事角多能謁告還鄉里君堂或可升

送張宣撫使饋南 二首

奉使入蠻烟終軍始妙年抗旌辭朔野擊楫渡湘川翠竹侵巖際黃茆盡海邊狼荒非善地爲戒莫留連
此行行萬里渺渺極朱厓地勢雖懸隔天威可遠加引弓飛
惡鳥拔劍斬妖蛇遲子歸來日燕南看雪花

送李侍郎使安南

九秋天色晚萬里送君行馬首塞雲起腰間寶劍橫奉揚天
子命慰答遠人情直渡蠻江水交氛一日清

喜雪酬康子淵院使

漠漠連天暗霏霏著地輕欲迷鷓鴣觀先入鳳凰城凍影篩
簾密寒光射隙隙明詰朝宜表賀來歲卜收成

楊仲宏集

卷三

九

留香室開雕

送吳清叔

驛路程雖遠帆風勢甚遒青山隨岸去白水滿江流牢落添
新恨繁華憶舊遊只今歸去好把釣卽槎頭

贈鄭尊師

茫茫雲著地滅滅雨交天篁竹連河上青茅盡海邊棲遲聊
應化放曠且談元相對蒲團坐清風爲肅然

黃櫨杖爲龔聖與作

嗟哉黃櫨杖吾賴汝扶持未免道途苦無如筋力衰散才唯
不用大節固多奇老向江湖上提携得自隨

次夏仲勉韻二首

門前無繫馬屋外有鳴鶯
迨迨衣冠府蕭條翰墨場
雨淫夏地濕風暴喜天涼
推轂無時已令人憶鄭莊

不喜爲文富長憂得酒慳
尊罍堆案上筆硯棄牆間
有傳追王績無書繼賈山
貴人能慢士往見亦胡顏

冬至次張宣撫韻二首

北去闕河遠南歸歲月長
屠龍雖有技相馬獨無方
雲水連天暗霜蕪滿地荒
客遊應未已塵土在衣裳

瀛海無消息冥冥鳥道長
已驚雙鬢短更待兩瞳方
落日依平嶂洪河入大荒
憂來那可得揮淚欲沾裳

送吳清叔歸婺

楊仲宏集

卷三

十

留香室開雕

客遊春回算無日不思歸
雨給桑麻秀山深笋蕨肥
薄醪能屢醉舊社足相依
莫道天邊雁衝衝適禍機

與方韶卿望月

月明胡乃爾秋盛故能然
匣鏡無纖翳槃珠有許圓
寒光搖碧海爽氣挾青天
幸遇山頭鶴令人夜不眠

孝思亭詩爲王心田作

山嶠靄蒼蒼盤旋衛古藏
盜溫通地氣赫奕闕天光
神化俾飛劍前聞驗若堂
子孫修祭祀歲久不能忘

淨香亭二首

藝竹蒼空古爲亭白日幽
一麾方出守千戶益封侯
外物從

渠屏清樽喜客留
楣間標勝語
朗詠亦風流
翼翼四簷外
蕭蕭三逕中
珠璣穿夜雨
幢纛舞天風
擁袖坐清氣
開軒近碧空
古人雖不見
佳興詎無同

酬吾子行

耿耿思朋舊
悠悠涉歲華
旣依秦大姓
方閩魯東家
雅道將誰與
新詩敢自誇
祇今能會合
不憚路途賒

偶作

碧草含秋意
黃雲起暮容
歸鴉昏巨噪
去雁有無蹤
盃酒因循醉
明人邂逅逢
身名猶碌碌
正坐日疎慵

送劉明卿歸安東

楊仲宏集 卷三 十一 留香室開

同郡居相遠
逢君豈偶然
秋天聯席宴
寒夜共衾眠
不爲時名役
猶嗟俗事牽
語離還悵悵
快後會是何年

和張仲實丹行雜詠

莫作匆匆去
相隨稍稍觀
遠山多意態
急水易波瀾
把酒悠然樂
扁舟得爾難
五湖天下景
六月氣常寒

題秋江釣月詩卷

泛跡秋江上
而今不計年
垂綸牽細浪
歛帽破長烟
已類元真子
兼疑孟浩然
後來名未泯
題品有高賢

楊仲宏集卷之四

元楊載撰

長樂梁章年
浦城祝昌泰 全較刊

壽姚承旨

上帝黃金闕仙人白玉堂
皇猷資黼黻大筆主文章
間氣生奇偉休期際吉康
四朝承寵渥多士仰輝光
盡發琅函秘重縑石室藏
成書併二典有道述三皇
碩望高天下榮光近日
旁謀猷須稷契羽翼藉園黃
上殿扶鳩杖開筵接蟻觴
九重師道德千載合明良
共說綸如紵能催繡作裳
人思踵禮樂國待理陰陽
舊族名先著高門慶甚長
賜書踰萬卷納笏過三牀
轉覺勛庸盛還欣體力強
朱顏朝映日素髮曉欺霜
已

楊仲宏集

卷四

留香室開闢

注長生錄曾傳却老方
宜齊周李耳遠邁漢張蒼
松柏深逾秀芝蘭久益芳
願公多壽祉仍見子孫昌

贈周景遠學士

朔易回元氣人才起俊流
聲華當翰苑文采冠中州
振佩趨臺閣抽毫侍冕旒
人傳鸚鵡賦家有鷓鴣裘
式觀黉宮立其惟祀典修
一朝虞或缺六器俾旁求
俎豆俄成列蘋蘩遂可羞
中朝方有道下士實同休
已及歸鴻候姑爲食蟹謀
朋簪多繼綵使節少淹留
曉日花間酒春風柳下舟
篇章微品藻山水媿清幽
鄭璞曾先辱隋珠不暗投
考槃雖自引闕觀亦吾憂
簡冊銷長日蓬蒿憚凜秋
論高非縱誕興遠託賡酬
尙

憶駒千里胡能貉一邱何當把君袂相逐馭風遊

壽杜尊師

淡蕩風雲起沈雄虎豹姿繇來天下士絕異里中自苦縣常
栽李商山舊采芝不當卿相位猶可帝王師始有巾車獲俄
蒙仄席知賢才方並用讒說遽相欺豸角將魏冠龍鱗敢逆
批變通俱合道舒卷各乘時築室烟霞祕還丹日月遲願公
長住世須作後天期

次韻曹士開毗陵喜雨

下土方淫潑高田獨旱乾木形憂隕命藿肉愧爲官索寞雲
容合蕭條夜色蘭精誠天已感祠禱力初殫迥野霑新潤層
楊仲宏集

卷四

二

留香室開雕

春雪次陳元之韻

檐下急湍槁苗還蕤蕤大豆且團團達宦俱相似疲民乞少
安佳章宜刻石留示後人看

寒氣何悽愴春空正杳冥東皇收橐籥北帝駕軒輶混沌包
三極續紛走百靈散珠分的皪擊玉碎瓏玲始試朝藏日俄
疑晝隕星危橋無客渡曠野少人經百沸疑奔瀨孤撐沒峻
哈林荒顛凍雀崖滑墮哀誕袞袞隨風舞颼颼襍雨零遺蹤
初得免匿種詎憂螟眊眊傾農室歌謠徹帝庭陽春將布德
品類各成形捉筆題新句持盃酌舊醪今朝須痛飲醉臥不
須醒

送張仲實之宜興

南渡邦初造西山將獨賢立功何赫赫流慶尚緜綿報國橫
戈數登壇授鉞專風雲方際會江海固周旋控險千鈞弩臨
危七寶鞭忠誠深足仗智勇實兼全自返高橋役端持宥府
權兵威終抗敵人力可回天甲第無踰者諸孫固穎然初生
同燕頰有美白蟬娟善學聞當代能詩起妙年衛公猶故物
鄭老竟寒瓊矯矯青雲器冷冷白雪絃同遊雖未達自視已
無前政事兼留意時髦孰比肩知機無轉石縱辨若奔川特
達羣公薦酸寒衆目憐姑爲文學掾會覓孝廉船必見公侯
復無論雨露偏秋風鵬鴉健萬里正翩翩

楊仲宏集

卷四

三

留香室開

送邱子正之海鹽州教授

有美區中彥由來志不羣舟航了吳越裘馬向燕雲才思廣
開府風流王右軍得時宜玉筍稽古曠香芸果拔英毛穎
收翰墨助諸公希宦達半世有辛勤奔走空皮骨躋攀不寸
分夏侯何地芥郢匠實風斤嗟我慚鷗鷺棲山似鹿麕偶來
詢故老因得友多聞湖舫曾秋雨河橋幾夕曛過從方不散
襟別亦奚云俎豆班侯泮鹽絺薄海濱未論虞廩米聊樂魯
宮芹此日顏應抗之人德已薰化爐新鼓樂學殖重粗耘行
矣穿黃落歸歟守白紛贈言將底事努力在斯文

贈班彥功

名書稱晉代盛事起江東內翰鍾奇氣深情縱古風樞衣皆
弟子入室自豪雄欲立千金價寧論百日功奏名黃閣老承
詔大明宮遺教規王氏陰符易褚公杯沾銀鑿落佩遙玉玲
瓏文學談經早聲華脫穎同麥尤人共賞棘刺巧無窮願積
臨池趣流傳史冊中

士開燕岳氏溪堂有溪山新月上江海故人同之句邀
予及張仲實曹克明同足成之

置酒秋風裏凭闌野色中溪山新月上江海故人同縱浪情
何極留連燕未終三鱸來上客五馬會羣公積水輸清氣微
霞銜近空將昏林上白及早稻先紅極論追遐古深情念困
楊仲宏集 卷四 四 留存至開難
窮尚觀儀秩秩未遂樂融融才著當朝傑文誇命世雄數君
今日選宜爾集南宮

次韻黃子久喜晴三十韻呈汪知府

霞彩長張錦蟾光夕挂鈎陰霾雖盡解淫潦豈全收寢動遊
遊興還聞倡和謳客容追舊賞歷歷破新愁騎氣城邊縱龍
光海際浮艷粧來士女盛服擬王侯在藻羣魚躍依林白鳥
啾河流交不斷山勢轉相繆物理歸合毓人情釋怨尤娛娛
從老稚燕樂逐朋儔幄帟分郊次幘帷擁道周聯翩馳畫舫
載業累朱樓貿易通遐壤繁華歷大州聚廬千井富接棟萬
家稠已戒增周口仍催決下流嘉蔬連隙地宿麥偏高邱曹

事虞多廢胥徒戢過求醜恩方並育和氣與同遊期會朝先
往迫隨暮不休露華開的的風葉振颼颼拾芥非無日登未
卽有秋朝家期少試隣郡固難侔共美光華著還矜德業修
在廷爭進薦當宁免垂憂玉漏傳臺角金尊出殿頭秉心存
正道造膝待嘉謀履直恒如矢防偏或類舟第誇繙竹簡不
省計牙籌善對慙鳴鶴能歌愧飯牛過情蒙許與彌月爲淹
留

再用韻贈黃子久

自惟明似鏡何用曲如鈎未獲唐臣薦徒遭漢吏收悠然安
性命復此縱歌謳石父能無辱虞卿卽有愁歸田終寂寂行

楊仁宏集

卷四

五

留香室開離

世且浮浮不假儕羣彥真堪客五侯高人求欵洽未俗避喧
啾藜杖常他適繩樞每自繆與人殊用舍在己寡愆尤濟濟
違班列俛俛遠匹儔能詩齊杜甫分道偈莊周達飲千鍾酒
高登百尺樓艱危仍蜀道留滯復荊州鶴度烟霄濶龍吟霧
雨稠東行觀海島西逝涉江流自擬霑於血何期渙有邱古
書嘗歷覽大藥豈難求撫事吟梁父馳田賦遠遊堂名希莫
莫亭扁效休休檻日迎東濟窗風背北颼鳴琴消永晝吹律
效清秋雅俗居然別仙凡迥不侔多聞踰束皙善對邁楊修
進有匡時畧寧無切已憂塵埃深滅跡霜雪盈頭始見神
龜夢終營狡兔謀雪埋東郭履月滿太湖舟急景誰推轂流

年孰唱籌凌波乘赤鯉望氣候青牛好結飛霞佩胡爲淹此
留

林爾寄王繼學二十韻

聖主敷皇極元臣建上台虛心求後乂削迹去奸回拜命超
凡品知君秉大材淳風隨日播公道應時開負鼎資烹飪操
刀貴馴裁銛鋒行肯綮異味合鹽梅廟議常叅決朝班復共
陪艱難須仗助罄遠嫌猜遺佚聞風起英豪接踵來經綸
非董賈辭藻亦鄒枚在野思羅致盈庭想轂推旣將龍作友
惡假鴛爲媒走也今留此公乎可念哉執竿猶海上扶耒卽
巖隈自守幽人意寧虞俗子哈舊遊辭玉府故事憶金臺落
水能忘恥及疊飛黃當駕馭猶足異駕駘

楊仲宏集

卷四

六

留香室開雕

颯江湖阻蒼茫歲月催丹心徒耿介素髮已毳毳勿謂交如
水能忘恥及疊飛黃當駕馭猶足異駕駘

送完者都同知

來游天子學籍甚有聲華論事依三策藏書至五車姓名題
雁塔譜牒記龍沙自可編青竹兼宜縮白麻文工金有價貌
美玉無瑕輿盡方豪飲篇終不浪諍豈惟吟芍藥曾是賦蒹
葭事莫分難易人須辯正邪月中初折桂天上始乘槎勿待
秋風起宮門聽鼓搥

贈郭集賢

衣冠趨近地藻翰集羣賢給事黃門裏抽毫繡座前佩龜金

作紉賜馬玉爲鞭御酒傾壺滿宮花插帽偏清光依日月
逸思繞風烟記憶踰三篋吟哦過百篇自惟叨侍從不敢廢周
旋秋著隨車獵寒當襍被眠蘇環才旣敏陸贄寵尤專自爾
行皇眷於焉理化絃詞臣方進用才大畢騰騫可念如揚子
蕭蕭獨草元

悠然閣

高閣凭虛起登臨興甚長江流春渺渺樹色曉蒼蒼原隰
鱗布峰巒鳥翼張雲來兼北極雨過及南荒地大遺民富時
清致理康南山常在望懷古意難忘

寄周御史二十韻

楊仲宏集

卷四

七

留香室開

同游河北後共抵浙西初獨倚知心舊翻成會面疎三年仍
契濶萬里更吹噓小子無奇氣先生有過譽見稱司馬賦求
授夏侯書倉卒排歸計淹留着寓居已非與俊逸猶是主臚
直名士多親我諸公或請予駕言將采芑卽事欲連茹顧爾
傷流矢居然恨倚閭驚心聞杜宇過眼易蟾蜍忽召袖金匱
俄徵論石渠文章殊賈馬謀略匪嚴徐薄技終難效窮愁只
自如尙矜存敝履不肯曳長裾與作棲梁燕寧爲呼轍魚儀
形長日想懷抱幾時攄奏疏聞當守拙毫侍直廬烏臺絃旣
改齋禁席仍虛馬首何繇見分光興有餘

送董與可爲句容縣王簿

至薄非高士通才或暫爲催科虞慙急勾校慮稽遲慎察文
無害詳觀獄有疑溫純規白璧正直視朱絲要使聲名著何
嫌品秩卑烏臺懸日月舉辟實無私

送朱復之爲邵武教授

放浪來京國于今復幾年山川多歷覽日月屢推遷異俗疑
烏帽窮途信馬鞭達官空有榻遊士固無墮始聽除書下彼
聞抗旆還南州分教地成法紹前賢

趙彥祥母慶八十

從親年八十萬里自西來氏族稱三蜀光華照二臺黍稷愁
夜雨筍長望春雷綺食和金鼎香醪進玉杯鳳毛方煒煜鶴

楊仁宏集

卷四

八

留香室開雕

髮正颺颺試使蟠桃熟從今更幾回

雲山圖爲茅山劉宗師作

長江千萬里奔浪薄高雲龍現誰能覩猿啼不可聞迂迴因
地勢昭晰應天文劒氣秋如洗珠光夜欲焚連峰俄筍迸斷
岸復瓜分向曲臨東極巖頭有隱君

題康里氏家譜

國受輿圖廣家傳譜牒詳馳聲繇旌塞拓迹至狼荒轉戰踰
千里來降盡一方奮戈回白日列戟耀清霜破竹收城邑分
茅賜土疆弟兄皆勁悍父祖各雄疆相印仍兼縮兵符更迭
藏排衙開萬弩納笏過三床已及書宗祏還宜紀太常後人

能繼紹千載有輝光

題王叅政積翁別故人詩卷後

聖王膺新命明公遇盛時混同開宇縣困阨守城池寇盜思
攘歟黠黎賴寵綬合珪承燕喜前席備詢咨築室求梁棟但
堂薦鼎鼐用兵陳廟算養士作邦基已草歸田賦仍題伐木
詩此生終契濶吾道豈磷緇矯矯游龍宇綿綿吐鳳辭錦囊
加什襲細覽想形儀

贈魏虛舟少府

西蜀文章伯東吳閥閱家族傳貞觀舊躅繼信陵遐雅度人
難測高名衆共誇爲積材不少韞積玉無瑕鳴鳳占諧吉乘

楊仲宏集

卷四

九

留香室開

龍偶契嘉三牀邀納笏萬斧讓排衙世賞官仍及朝叅寵復
加天顏垂眷顧地肺侈光華緩步方鳴玉高情欲泛槎翩然
歸翠麓姑爾奉黃麻彭澤還栽柳河陽不種花投閒銷日月
訪古畧烟霞臘蟻常開宴春魚每看叉興來恒放逸賓從任
喧譁閤靜寒珠箔窗虛閼綠紗琴彈多古雅詩就輒妍姸願
作梁間燕徒慚井底蛙執鞭曾莫劬抱瑟敢長嗟戀戀情終
在悠悠道苦賒春風吹去旆翹首又天涯

贈劉平叔郎中

肇自三苗氏淫爲五虐刑商周終至治禮樂固常經赦過存
三宥原情用八聽未能還畫象猶貴去殘刑末俗仍澆薄生

民曷救寧謂宜沾雨露抑使震雷霆皞皞惟毋擾元元庶有
靈林殘求虎豹穀害去蝗螟此意雖忠厚斯言若宵冥君平
吾有望當使在朝廷

送邱子正之海鹽

珠生滄海底玉韞碧山中夜氣交明月陽精現白虹有賢兼
重價當代振英風好學由天性能書至國工知名傳冀北作
賦擬河東始欲徵揚子旋聞薦褚公陰符難獨美遺教實爭
雄絕藝雖宜進奇才自不同交游傾上國掄選屬南宮鄧禹
官初試匡衡對漫通海邦終寂寞學館尙穹崇已注千人錄
當成五典功星辰皆在水渤海信浮空把酒歡何限乘槎興

楊仲宏集

卷四

十

留香室開雕

不窮文章趣浩瀚物態入牢籠子必登芸閣吾方守桂叢索
船彌寡陋荒業孰磨礪弗獲披雲霧惟思對華嵩知音期郭
泰流俗易王充江海從茲逝飄飄任短篷

贈虞彥高

吳越知名士風流得此人結交何待久晤語卽相親丹穴生
儀鳳滄波起縱鱗飛鳴常見瑞變化不無神家世皆爲善豈文
儒謹飭身不將紈袴累自著綵衣新力學追高古修辭絕等
倫汪洋涵巨海要眇動纖塵鐘簾聲音大韻醜節奏均詎誇
傳里巷可使杼絲綸籍籍聞當代駸駸集要津省闈曾奉檄
學館已垂紳滋味嘗郊鼎光華薦席珍南宮延國子西掖選

詞臣慷慨升車日，遲回執袂辰。論心情已至，抵掌氣彌振。虞
詡才方壯，湯休學最醇。相期終晚歲，無取艷芳春。抱獨知何
向，爲朋喜有因。從君鳴一世，流詠被無垠。

鄭中丞母大夫人壽八十

端公居重位，壽母在高堂。天意何相厚，人倫實有光。豸冠方
俊偉，鶴髮尙康強。內翰爲封誥，同僚舉慶觴。欣欣承玉饌，赫
赫帶金章。獻笑慈親側，繩愆聖主傍。中天懸日月，下土凜風
霜。可謂全忠孝，都緣積義方。孟家難獨美，湛氏竟齊芳。頌得
吾無媿，名宜百世揚。

送朱仲山歲貢入京

楊仲宏集

卷四

十一

留香室開雕

昭代陶淳化，多方出異材。鳴岐聞鳳鳥，清道服龍媒。養素稠
山僻，觀奇載籍該。爲珍如寶璧，奮蹟起蒿萊。未展垂綸趣，初
承勸駕催。羔羊填委巷，駟馬踐輕埃。戰藝鋒無敵，搜賢網正
恢。上書追偃樂，作賦並鄒枚。奮發真從此，遊觀亦壯哉。雲霄
千萬里，瞻望重徘徊。

招真觀圖

欲學無爲道，來居小有天。精神消物怪，采色變風烟。恬澹知
天德，虛無象帝先。高風何特達，古跡尙流傳。地涉鴻荒表，山
開混沌前。谷幽疑鬼聚，峰巧類人鑄。壘起三重閣，分流百道
泉。岩穿留虎跡，石冷逗蛟涎。放浪曾無日，遨遊未有年。古經

披覽罷毛骨爲醒然

喜晴得揚字呈汪知府

霏霏寒宿霽煜煜射初陽出谷鶯聲滑摩空鶴勢張鼓鞞爭
奮發帆幔各飛揚不畏塗泥滑寧憂積潦妨農夫分舊種紅
女覓柔桑爲有豐年慶陳陳滿太倉

寄沈少微金華山隱居

巖前通細路嶺外接危峰梯磴踰千級烟霞過萬重緣崖收
異莽步壑數長松隔屋號朱虎當窗現黑龍蘅蘭爭酷烈桃
李角鮮穠隱士多相過仙人庶可逢第能安性命何患改顏
容煉鼎丹砂熟傾壺白酒釀微茫追絕響瀟灑振孤蹤鄉里

楊仲宏集

卷四

三

留香室開雕

宜同好他年必子從

挽徐處士

此日新安名家復數誰巍科雖屢掇舊業詎多遺孝友全
高行溫恭集令儀花殘青歲晚木落紫山悲結蟻客兼盛銜
鱸輿更垂白雲埋骨處揮涕想漣瀾

送侯尊師歸蜀

北上關河遠南歸歲月賒飄飄携短劍杳杳泛靈槎別岸秋
濤掩前山曉霧遮欲攀青桂樹先採白蘋花大道元無極浮
生卽有涯舉杯吞夜月引袖拂晨霞獨跨冲天鶴能追赴壑
蛇祇應投老去長日煉丹砂

春晚喜晴

積雨俄經月新晴始見春
蒼苔侵別墅綠水過比隣
性僻居宜遠身閒景易親
無詩排世累有酒縱天真
循圃花粘履凭闌柳拂巾
歌呼從稚子設笑或嘉賓
漸喜魚樵狎仍欣鳥雀馴
幽情延薄莫浩思集清晨
養拙元非病爲文敢自珍
杜門緣底事作計懶隨人

楊仲宏集卷之四終

楊仲宏集

卷四

三

留香室開

